

國醫小叢書之七

痘疹遂生編

武進莊一夔著

上海國醫書局印行

痘疹遂生編序

海內醫書。汗牛充棟。然無病之家。非所急也。惟幼科痘症。自中外以及率土小民。皆不能免。險症最多。無不恐懼之至。而望救之殷。倘有良方。必當家喻戶曉。毘陵汪在田先生。江南官族。牧民於江漢有年。凡見對口發背。及一切癰疽。輒與之方。莫不應手而愈。楚人稱之為神外科。非一日矣。乾隆丁酉。曾著福幼編。專治慢驚。屢收奇效。久已風行海內。今著遂生編。專醫痘疹。理明詞達。起死回生。雖逆症亦可治愈。真濟世金鍼。活人秘寶。何可一日無之。余至荆南。因夢兆得見此編。展頌廻環。不能釋手。爰屬其亟付棗梨。為赤子立命。為幼科指迷。濟世陰功。莫大於此。得是編者。謹宜什襲藏之。以備拯救。慎毋以為與古書不同。仍聽信時醫貽誤。也是為序。昔嘉慶二年丁巳春。仲上。幹賜進士及第。誥授光祿大夫。兵部尚書。湖廣總督。年家鄉耆弟。

畢沅拜撰

上海中醫書局最近出版醫書

經籍類

讀內經記
內經類證
內經研究之歷程考略
難經註疏
難經古義

秦伯未
秦伯未
許半龍
日本玄醫
日本藤萬卿

鉛印
鉛印
鉛印
鉛印
鉛印

平裝
平裝
平裝
平裝
平裝

一冊
一冊
一冊
一冊
一冊

六角
六角
四角五分
八角
(印刷中)

六折
六折
六折
六折
六折

金匱類

金匱直解

程雲來

鉛印

平裝

一冊

(印刷中)

傷寒類

傷寒翼方
傷寒辨要
合刻

栗園淺田

鉛印

平裝

一冊

六角

六折

溫熱病類

溫病賦
秦校溫疫論
秦校溫病條辨症方歌括
秦校疫痧草

姜子房
吳又可
錢文驥
陳耕道

鉛印
鉛印
鉛印
石印

平裝
平裝
平裝
本裝

一冊
一冊
一冊
一冊

二角
二角
二角
一角

六折
六折
六折
六折

上海中醫書局最近出版醫書

內科類

百病通論
秦批全生指迷方
秦校筆花醫鏡
重校瘋癆臑膈辨
醫學見能
燥氣總論

秦伯未
王 貺
江筆花
林翼臣
唐容川
陳葆善

鉛印
石印
鉛印
鉛印
石印
鉛印

平裝
本裝
平裝
平裝
本裝
平裝

一冊
一冊
一冊
一冊
一冊
一冊

二角
三角
一角五分
一角
四角
五角五分

六折
六折
六折
六折
六折
六折

外科類

馬評外科全生集
七十四種疔瘡圖說
外科真銓
外科學大綱
藥斂啓秘

王洪緒
葉 氏
鄒五峯
許半龍
許半龍

鉛印
石印
鉛印
石印
鉛印

平裝
本裝
平裝
本裝
平裝

一冊
一冊
二冊
一冊
一冊

二角
一角
一元四角
五角
七角

六折
六折
六折
六折
六折

針灸傷科類

秦校刺疔捷法
傷科大成

張 鏡
趙竹泉

石印
鉛印

本裝
平裝

一冊
一冊

一角
三角五分

六折
六折

上海各書外埠函購郵費加一

痘疹總論

語云。走馬看痘症。極言其變症之速也。經云。痘稟於陰而成於陽。譬之種痘。亦必天氣陽和。土地溫暖。方能發生人身之痘。亦猶是也。痘之將出。全仗真陽託送。斯時培補氣血。尚且不暇。何堪剋削。無如近代痘師。但見發熱。便用寒涼。無非連翹。大黃。及一切涼藥。元氣乍虧。痘瘡立陷。又云。痘之一症。有神司之。某家子。本好痘。轉瞬間。換為壞痘而斃。如果神欲殺之。當其初。何不即與其壞痘。先與其好痘。而換為壞痘。神何心哉。委因不知培補。妄行攻伐。此立時告變之明徵也。走馬看痘症。痘神換壞痘。此二語。舉世相傳。迷而不悟。縱更換醫師。亦總是寒涼剋削。愛女嬌兒。必驅之於萬不能生而後已。或亦生民之厄也。言念及此。不禁為斯世斯人痛哭耳。余性嗜岐黃。身試既久。乾隆丙申。姪孫女染患慢驚。為中州庸醫誤用黃連致斃。聞信之下。

深為惻然。旋於丁酉。著得福幼編。專治慢驚一症。舍姪鈞為南陽太守。付諸梓人。為之流傳。收效頗衆。余竊幸此書之不無小補也。嗣見痘瘍者甚多。因考究痘症一門。二十年來。博覽羣書。竟得箇中秘訣。臨危治愈。頗獲奇功。萬無一失。治痘之法。宜溫補兼散。治疹之法。宜養血兼散。二症俱忌寒涼消導。所謂秘訣者。如是而已。竊取先哲名言。與鄙見相符者。集成一帙。願後之得此書者。不至為庸醫所誤。依方療治。定可以順遂其生。爰名之曰遂生編。以祈方家採擇。或亦活人之一助云。

嘉慶二年丁巳仲春。敕封儒林郎。晉授奉直大夫。直隸布政司理問。毘陵莊一夔撰。

遂生編

武進莊一夔在田氏著

治法

痘科一症。順者不必治。逆者不能治。可治者惟險症耳。險症治之得法則生。不得法則不生。是治法之不可不精也。內經未嘗言及。今行世諸書。第本於諸瘡痛癢。皆屬於熱八字。所以立意先言解毒。開方定用寒涼。在其父母聞之。解毒最為入耳。寒涼似亦應然。殊不知痘瘡全以發透為吉。起發必賴氣血滋培。方能自內達外。齊苗灌漿結痂。無非陽氣為主也。寒涼則血滯。剋削則氣破。血滯氣破。毒氣乘虛深入。此痘症陷塌之所由來也。譬之猪脬。即尿泡若欲其脹滿。必需以氣充之。散其氣則陷矣。此理相同。顯而易見。痘之始終。全憑氣血。氣血充足。則易出易結。血氣不足。則變症百出。痘之欲出。陽氣蒸騰。

小兒發熱。正是痘欲見苗。斯時氣虛者。宜服補中益氣湯。血虛者。宜服荊防地黃湯。兼寒者。宜服大溫中飲。或大補元煎。察其氣體之虛實。酌而用之。所謂培補氣血。疏通筋絡。無不立奏全功。時師不明此理。每言用補太早。補住毒氣。不知補中即所以托毒。灌根即所以發苗。萬無補住之理。且有散藥在內。此實先哲治痘之心傳。高明者必以為然。淺學者何能窺其萬一。要之治痘之法。總不外乎虛寒實熱四字。何謂虛寒。凡小兒向日氣體薄弱。面色青黃。唇淡畏寒。大便溏而不結。小便清白。飲食減少。或不甚消化等症。此由腹中火少。出痘時必難灌漿。亦難結痂。氣血不足之故。是名虛寒。速宜培補元陽。以防變症。何謂實熱。凡小兒氣體壯實。飲食易消。出痘時大便結而燥。小便赤而臊。口鼻中出氣如火。惡熱喜涼等症。是名實熱。察明果是內熱。方可暫行清解。荊防地黃湯。用生地加大黃。一二劑而火退矣。

然不可以虛火誤認為實火。察虛火實火之法。全憑大小便為主。小便清白。大便不燥。身雖大熱。乃是中宮有寒。火無所依。浮而在外。誤服寒涼。亦有此症。不得以身熱便認為實火。虛火者十中八九。實火者數十中之一二耳。

辨痘法

小孩發熱。五指梢及中指冷。是痘疹。中指熱。是傷寒。

看耳法

耳後紅筋痘必輕。紫筋起處重沈沈。兼青帶黑尤難治。用藥精詳也。得生。

認痘法

小而充實者名珍珠痘。大而飽滿者名大痘。四圍起而中陷者名菜葉痘。平扁而不起者名蒸餅痘。

古書所載逆症。今治愈甚多。是以各書內所云不治症。概不列入編內。

痘有四宜

一宜補氣。真陽充足。方能送毒外出。以成痘。倘痘頂不起等症。皆元氣不足之故。宜服黨參白朮黃芪甘草之類以補之。

二宜補血。真陰充盛。方能隨氣到苗。以成漿。空殼無膿等症。皆陰

血不足之故。宜於補氣藥中。加熟地當歸丹參川芎之類以補之。

三宜補脾腎。脾土壯健。氣血自充。飲食減少。口淡無味等症。皆脾

土虛弱之故。須脾腎雙補。即於前氣血藥中。加枸杞故紙附子肉

桂等藥。痘瘡自無塌陷泄瀉之患。經云虛則補其母。此之謂也。

四宜察虛實。小兒飲食有味。二便如常。不服藥最為穩當。設或灌

漿不滿。漿回不乾等症。必察其氣分血分。何處虧虛。照症調補。不可妄用涼藥。必口臭尿臊便結。有實火可據者。方可暫行清解。

痘有四忌

一忌清熱敗毒。胎中陰毒。必賴陽氣托送。方能發出。陽氣被伐。陰毒內歸。痘必塌陷。是連翹生地黃芩澤瀉等藥。非有實火者。萬不可用。

二忌尅伐氣血。氣血充暢。痘易成功。尅削則中氣虧而毒乘虛深入。泄瀉塌陷。諸症作矣。是大黃芒硝枳殼檳榔等藥。在所必禁也。

三忌妄投醫藥。小孩出痘。延醫診治。求其有濟也。若不分虛實。概投以涼藥。毒輕者幾死。毒重者不生。不如不服藥之為妙。

四忌吞服醫家小丸。近代痘師。不辨虛實寒熱。氣血盈虧。用巴豆丸。彼以為痘是胎毒。自可攻下。豈知中虛下陷之禍。立見於此。即抱龍牛黃等丸。亦與痘症大有妨礙。最不可誤服。至於前人所製人牙散。獨聖散。雞冠血。桑蟲之類。逼毒外出。旋即收陷。皆非正理。

亦斷不可用。

發熱

痘者胎中之陰毒也。必賴陽氣以成之。小兒出痘。大約發熱三日。然後見點。苗齊熱退。乃真陽內伏。交會於陰。復發熱三日。運水到苗。以成清漿。漿足熱退。及至養漿。真陽仍出發熱三日。化毒以成膿。膿成熱退而陽伏。毒既化膿。又必發熱蒸乾。方能結痂。痂落後真陽外出。蒸化斑點。謂之燒斑。倘有黑斑。乃是火衰。並非因吃鹽醬之故。所謂痘稟於陰而成於陽者如此。治痘之法。始終當以補氣血扶陽氣為第一義。用藥以溫補少加發散為首務。否則氣不足則痘頂不起。火不足則漿不稠。且恐厥逆腹痛。陰寒起而壞症作矣。或問曰。痘宜溫補。此理甚明。若兼發散。豈不傷氣。不如純用散藥。汗多則傷氣。少加發散藥於溫補藥中。則血脈疏通。痘瘡易出。無壅滯。

之患。受解散之功。所以古方補中益氣湯內。有升麻柴胡。大溫中飲內。有麻黃溫中補氣。尚用散藥。可見古人用心之妙。痘初出時。亦斷不可減去散藥也。

或又問曰。痘宜溫補兼散。此理已明。後開大補元煎。六味回陽飲。此二方重用附桂。並無散藥。兼用龍骨粟殼收瀉之藥。其義何取。不知溫補兼散。乃治尋常痘瘡之法。更有一種小兒發熱一二日。即遍身出痘。古書無方。時師袖手。此乃陰毒太重。陽氣太虛。陰毒一發。陽氣已消。故瀉痢不止。瀉出之物。多作青黑色。肝氣所化。胃氣將竭之兆。速宜大補元煎。六味回陽飲二方。大劑連進。可以扶元陽。可以消陰毒。操起死回生之功。有鬼神莫測之妙。二分合煎。名返魂丹。治痘收效。指不勝屈。余治外孫汪陵醫案。所當細閱。

至於清火解毒。須用涼藥。必察明果有實火者。方可暫用。若誤用於

齊苗時。則水不能升而頂陷。若誤用於養漿時。則漿不能稠而癢塌。癢塌者真火衰也。明者當此。速宜參熟並用。附桂同煎。脾腎雙補。大劑疊進。尚可挽回。否則寒戰咬牙。吐瀉交作。不可為矣。至於身涼而膿不乾。痂落而斑不化。及痘後發毒。皆因誤服生地銀化澤瀉連翹等涼藥之故。不可不知。熱有邪正。必當體察。正熱者陽氣蒸騰。自內達外。喜露頭面。不惡寒。時熱時止。兼有小汗。手足溫和。飲食有味。二便如常。此是內外無邪。不必服藥。邪熱者偶受風寒。頭痛惡寒。四肢冷而無汗。荆防地黃湯內加肉桂一錢。一二劑儘可解散表邪而愈。古人云。熱不可盡除。真格言也。

形色

痘以飽滿紅活為形色。頂陷不起是氣虛。色不鮮明是血虛。宜培補氣血為主。真陽虛者乃無紅暈。甚至通身皆白。身涼不溫。宜大補元

煎陽回身溫。轉白為紅矣。又有一種遍身血泡者。此非血多。乃氣少。不能統血。故血妄行。急用大補元煎。煎陽氣充滿。血泡變白而成功矣。庸醫不明此理。謬言血熱。誤用寒涼。變症日增。不知形與色外象也。必要飲食有味。二便如常。審無內病。可以不服藥。若二便不調。飲食不下。煩躁悶亂。夜中不甯。形色雖好。亦甚可憂。又當察其病情何故。小心用藥。挽回方妙。形色不佳。多半是氣體虛寒。手足厥冷。頭重神疲。便清泄瀉等症。必當大補元煎。兼用附桂。若泄瀉不止。並當添入龍骨。栗殼等藥。以收瀉之。瀉止方可回生。

痘以紅為貴。有圈紅。暎紅。鋪紅之別。圈紅者一線紅圈。緊附痘根。最為佳兆。暎紅者痘根血色隱隱散漫。亦氣不足之故。速宜大補氣血。鋪紅者一片平鋪。無痘之處亦紅。所謂地界不分。若兼不惡寒。口臭而渴。小便臊而短。大便燥而結。內熱有據。宜白虎地黃湯以利之。熱

退身涼。即宜平補。不可多劑。又有一種。錫光痘。身涼不溫。色白不紅。此乃陽虛陰象也。宜大補氣血。附桂同施。氣足陽回。痘根紅而漿稠。痂結矣。又有一種。根無紅盤。頂含黑水者。乃陽氣大虛。陰氣凝結。亦宜大補元陽。兼用附桂。黑水化而為膿矣。

痘有五泡。曰水泡。膿泡。灰泡。血泡。紫泡。痘有五陷。曰白陷。灰陷。血陷。紫陷。黑陷。水泡者皮薄而明。經言氣熱生水。要知清漿皆水。何以不成膿。火少故也。必當薑桂附子等藥。大劑陡進。水必成膿。若誤用涼藥。作瀉後轉為白陷。膿泡失治。則破流膿水。灰泡失治。轉為灰陷。二症亦宜參熟附桂。大劑多進。若有小顆粒發出。謂之子救母。生意在焉。血泡者乃氣虛。非血熱。亦宜大補元陽。否則變為血陷。紫泡者其證有二。紫中帶青者。亦因氣虛不能攝血。陰血凝結而成。其人必身倦惡寒。舌胎白。飲食不多。大小便清白。速宜大補元陽。否則變為紫